

Ա. Ա. Սահիբյան

ՍՈՎԵՏԱՅԻՆ ԱՎԱՆԱՎՈՐ ՃԱՐՏԱՐԱԿՈՒԹՅՈՒՆ

Սան արվեստագետներ, որոնց ստեղծագործական ուղու մասին խոսելու իշխանակում է՝ անդրադառնալ արվեստի այդ բնագավառի տվյալ ժամանակաշրջանի զարգացման ամբողջ ընթացքին:

Այդպիսի արվեստագետներից է լայն հետաքրքրությունների, բազմակողմանի ընդունակությունների, միշտ նորն ու առաջադիմականը որոնող, մշտաթուն մտքի տեր, ճարտարապետ Հովհաննես Մարգարյանը:

Մարգարյանի ստեղծագործական կենսագրությունը, նրա ավելի քան 35-ամյա անցած բեղմնավոր ուղին անխզելիորեն կապված են սովետահայ ճարտարապետության կազմավորման ու նրա հետագա զարգացման ամբողջ վերընթացի հետ:

Զկա սովետահայ ճարտարապետության որևէ բնագավառ լինի այդ բնակարանային թե արտադրական, հասարակական ունիկալ շենքերի, թե ճարտարապետական փոքր ձևերի, առողջարանային կառուցումների, թե քաղաքաշինության, որտեղ նա իր ճարտարապետական ինքնատիպ, թարմ ու սրամիտ ստահղացումներով մուտք գործած, հարստացրած ու զարգացման նոր աստիճանի մղած շինի այն:

Մարգարյանը ճարտարապետ էր, այդ բառի լիակատար հասկացողությամբ, նա իր մեջ ամփոփում էր նախագծողի, կառուցողի և շինարարության հետ կապված ճարտարագիտական գրեթե բոլոր մասնաճյուղերի հանրագիտաբանային գիտելիքների դժվարահաս միասնությունը:

Հովհաննես Մարգարյանը ծնվել է 1901 թ. հունվարի 26-ին, այժմյան Նախիջևանի ինքնավար հանրապետության Օրդուբադի շրջանի Քաղաքիկ գյուղում: Նախնական կրթությունը ստացել է հայրենի գյուղում, ապա այն քաղաքում է Երևանում: 1915-ին նա ընդունվում է Երևանի գիմնազիան և հինգ տարի անց հաջողությամբ ավարտում այն:

Հայաստանում սովետական կարգեր հաստատվելուց հետո, հանրապետության նորաստեղծ կառավարության անդրանիկ միջոցառումներից մեկը հանդիսացավ ժողովրդական տնտեսությունը անհրաժեշտ կադրերով՝ նույն թվում տեխնիկական մտավորականությամբ ապահովելու գործը: Հայրենի երկրում տեխնիկական կրթություն ստացող առաջին ոչ-մեծ խմբի երիտասարդներից մեկը՝ քսանամյա Հովհաննես Մարգարյանն էր:

1921 թ. Մարգարյանն ընդունվում է Երևանի համալսարանի տեխնիկական ֆակուլտետը, 1928 թ. ավարտում է այն և իր գործունեության հենց սկզբից կանգնում է հանճարեղ Թամանյանի շուրջը համախմբված ավագ սերնդի ներկայացուցիչների առաջին շարքերում:

Սովետահայ (ինչպես և ամբողջ սովետական) ճարտարապետության մեջ

առաջին խոշոր ձեռնարկումները կատարվեցին բնակարանային և ֆաբրիկա-
գործարանային շինարարության բնագավառում:

Երիտասարդ ճարտարապետն իր առաջին խոսքն, այն էլ բավական թարմ
ու հնչելով, ասաց այդ շնորհակալ ու ղեկավարին բնագավառում:

Բաղմահարկ բնակելի տան շինարարությունը Հայաստանում արդեն զգալի
ծավալ էր ստացել, սակայն նախագծվող ու կառուցվող շենքերը հիմնականում
կրկնում էին Միության միջին և հյուսիսային շրջաններում կառուցվող բաղ-
մահարկ բնակելի տան տիպերը:

Անհրաժեշտ էր ստեղծել տեղական կլիմայական ու կենցաղային պայ-
մաններին համապատասխանող բնակելի տան տիպար:

Այդ առաջադրանքը իր փայլուն լուծումը ստացավ Երևանի անասնաբու-
ժական ինստիտուտի պրոֆեսորների և Հայպետշինի աշխատողների բնակե-
լի տների՝ 1928—1929-ին կազմված նախագծերում (հեղինակներ՝ Հ. Մարգար-
յան, Ա. Ահարոնյան): Իր բացատրագրերում Մարգարյանը գրում է. «Այդ
խնդիրը մենք լուծեցինք յուրաքանչյուր բնակարանի համար տան իրկու կող-
մերում պատշգամբ և լոջիա ստեղծելու և բնակարաններում միջանցիկ օդա-
փոխություն ապահովելու միջոցով»: Ելնելով տեղական բնա-կլիմայական ու
կենցաղային պայմաններից և օգտագործելով Միության այլ քաղաքների փորձն
ու մասնավորապես հայկական ժողովրդական տնտեսական շինարարության ավանդու-
թյունները, ըստ էության մշակվեց բաղմահարկ բնակելի տան ճարտարապե-
տության հիմքը կազմող բջիջը (սեկցիան):

Սովետահայ ճարտարապետության կազմավորման արշալույսին, սովե-
տական ճարտարապետության կարևորագույն ժանրերից մեկի, եթե ոչ ամե-
նակարևորի՝ բնակելի տան ճարտարապետության բնագավառում ասված այս
թարմ խոսքը սկզբունքորեն այնքան ճշմարտացի էր, այնքան առաջադեմ ու
կենսունակ, որ այն աստիճանաբար առավել կատարելագործվելով, բաղմա-
թիվ տարբերակներով մինչև այսօր էլ լայնորեն կիրառվում է: Եւ մի լուրջ
ներդրում էր Սովետական Հայաստանի բաղմահարկ բնակելի տան ճարտարա-
պետության կազմավորման գործում:

Նույն այդ ժամանակաշրջանում Մարգարյանը ստեղծագործական նշա-
նակալից նվաճման հասավ արդյունաբերական շենքերի ճարտարապետության
բնագավառում: Երևանի կարի գործարանի շենքում (նախագծված 1930-ին
ճարտ. Ա. Ահարոնյանի հետ միասին) արտադրական պրոցեսների նպատա-
կահամար կազմակերպումն ու աշխատանքի առողջապահական լավագույն
պայմանների ստեղծումը ղուգակցվում են շենքի ներսի տարածական-ծավա-
լային հորինվածքի տեկտոնիկ հնարամիտ լուծումների հետ. երկաթ-բետոնե
նուրբ կամարների և ապակու ընդարձակ մսկերեսների սրամիտ հաջորդա-
կանությամբ ստեղծված ծածկը ոչ միայն կատարում է իր կոնստրուկտիվ և
ուտիլիտար հաջողակ ֆունկցիան, այլև դառնում արտահայտչականության
յուրահատուկ միջոց, ստեղծում էսթետիկական-գեղարվեստական մի ներդոր-
ծուն միջավայր: Ստեղծագործական նույն սկզբունքն է ընկած նաև 1933 թ.
Մարգարյանի նախագծած ծխախոտի ֆաբրիկայի կառուցվածքում:

Այս գործերը հանդիսացան արդյունաբերական ճարտարապետության
լուսնման նոր մեկնաբանության համարձակ և ուղենշային օրինակներ, որոնք
որոշակիորեն նպաստեցին գործարանային շինարարության մեջ իշխող միա-
կողմանի, ղուտ տեխնոլոգիական տեսանկյունից ղիտվող հասկացողություն-
ների արմատական բեկման գործին:

Ստեղծագործական բուռն վերելք ապրեց Մարգարյանը հատկապես երեսնական թվականների սկզբներին՝ ճարտարապետության և քաղաքաշինության հարցերի վերաբերյալ կուսակցության ու կառավարության հայտնի որոշումներից հետո, երբ սովետական ամբողջ ճարտարապետությունը թեակոխեց իր զարգացման նոր փուլը¹։

Պայքար էր ծավալվել մի կողմից՝ ճարտարապետության բնագավառում ֆորմալիստական տեսության ամեն տեսակի արտահայտությունների, ճարտարապետական երկի զաղափարայնության, նրա սոցիալական դերի անտեսման



Նկ. 1. Երևան. կարի գործարանի ներքին տեսքի նախագիծը։

դեմ, մյուս կողմից՝ անցյալի ժառանգության անքննադատ օգտագործման ուստավատորականության ու էկլեկտիզմի դեմ։

Նրկրի ճարտարապետական կյանքում տեղի ունեցած այս մեծ բեկման շրջանում Մարգարյանը՝ որպես ժամանակի առաջընթացը խորապես ըմբռնող, խորհող, ձեռք բերած նվաճումներով շահնգստացող, մշտապես որոնող արվեստադես, հասավ ստեղծագործական ակնբախ հաջողութուններին։

Նրա նախագծերով ու անմիջական հսկողությամբ մայրաքաղաքում և հանրապետության սարերը վայրերում բարձրացան հասարակական, բնակելի, հիվանդանոցային, դպրոցական և այլ բազմաթիվ շենքեր, որոնցից ոչ միայն հեղինակի, այլև սովետահայ ճարտարապետության տվյալ ժամանակաշրջանի անցած ուղու բնկալման տեսակետից մեծ հետաքրքրություն են ներկայացնում

¹ Տե՛ս ՀամԿ(Բ)Կ Կենտկոմի 1931 թ. Հունիսյան պլենումի «Մոսկվայի քաղաքային տնտեսության և ՍՍՌՄ քաղաքային տնտեսության զարգացման մասին» որոշումը, ՀամԿ(Բ)Կ Կենտկոմի 1932 թ. ապրիլի 23-ի «Երական-գեղարվեստական կադմակերպությունների վերակառուցման մասին» որոշումը և այլն։

մասնավորապես Երևանի գլխավոր ունիվերսալ խանութի շենքը (նախագծված՝ 1935 թ. ճարտարապետներ Ա. Ահարոնյանի, Մ. Մազմանյանի, Գ. Քոչարի հետ միասին), գրքի պալատի շենքը (նախագծված՝ 1937 թ. ճարտ. Մ. Մազմանյանի հետ միասին), Հայէներգոյի վարչության շենքը (1938 թ.) և Արզնի բուժավայրի լոգարանների շենքը (1939 թ.):

Չնայած առանձին դեպքերում տեղ գտած ոչ բոլորովին թարմ ճարտարապետական ձևերին ու մանրամասներին, այդ գործերից յուրաքանչյուրը՝ որպես ճարտարապետական ամբողջական երկ, իր նախորդի համեմատությամբ, զարգացման յոթ բարձրության է մղված, և ակնհայտորեն արտացոլում է Մարգարյանի արվեստի աստիճանական աճման վերընթացի ճանապարհը:

Այստեղ սոցիալիստական ռեալիզմի ճարտարապետության սկզբունքների կիրառման ուղղությամբ կատարվող ստեղծագործական որոնումներն առավել նպատակասլաց են, ճարտարապետի խուսքը էլ ավելի որոշակի: Այսպես, ունիվերսալ խանութի հսկայածավալ շենքի թե՛ քաղաքաշինական լուծումն ու դյուրմբռնելի հստակ հատակագիծը, թե՛ ներքին տարածական առինքնող հորինվածքն ու արտաքին ծավալները, թե՛ կոնստրուկտիվ լուծումներն ու հարթությունների մշակումը և թե՛ նույնիսկ շինանյութը՝ խստաշունչ որձաքարի խիստ արտահայտիչ կապտավուն ֆակտուրան, լրացնելով միմյանց, ամբողջ կառուցվածքին հաղորդում են որոշակի հանդիսավորություն և ընդգծում նրա հասարակական բնույթը:

Ունիվերսալ խանութի կառուցվածքի համեմատությամբ, գրքի պալատում, անցյալի, մասնավորապես ազգային ժառանգության սովանդությունների օգտագործման ավելի ընդարձակ փորձ կատարվեց:

Սա ճարտարապետական մի բարդ կոմպլեքս է, որը բռնելով 2-րդ շրջանային, Տերյան և Կիրովի փողոցների միջև ընկած մի խոշորագույն թաղամաս պետք է իր մեջ բովանդակի գրքի տպագրության հետ կապված տեխնոլոգիական բոլոր պրոցեսների և հրատարակչական կազմակերպությունների ամբողջ սիստեմը:

Գլխավոր ճակատում (2-րդ շրջանային փողոցի վրա) ստեղծելով ծավալների տարածական խաղ, շնայած լազգային ճարտարապետության առանձին մանրամասների օգտագործման, շենքի ամբողջ օրգանիզմի համար ընտրվել էր ճարտարապետական միասնական թեմա՝ դասական արվեստի սկզբունքների վրա խարսխված սյունաշարքը: Դժվար է ներկայումս իրականացված հատվածի հիման վրա եզրակացություններ անել շենքի ճարտարապետական ընդհանուր կերպարի վերաբերյալ: Այժմյան հատվածը, անշուշտ, կճնշի այլ կերպ, երբ ավարտվի ամբողջ շենքի կառուցումը: 1960 թվականից վերսկսվել են նրա նախագծման ու կառուցման աշխատանքները:

Նշված ժամանակաշրջանում Մարգարյանի ստեղծագործության օրինաչափ զարգացման արգասիքը հանդիսացավ Հայէներգոյի վարչության շենքը: Այն հատակագծային ուրվանկարով (անկյունային լուծում) և տարածական-ծավալային ընդհանուր հորինվածքով հաստատուն կերպով տեղավորվելով մայրաքաղաքի երկու առավել նշանակալից (Աբովյան և 2-րդ շրջանային) փողոցների անկյունում, կազմակերպում և ճարտարապետական որոշակի արտահայտչականություն է տալիս քաղաքաշինական այդ ուշագրավ հանգույցին:

Ճարտարապետական հարթությունների մշակման, արտահայտչական առանձին միջոցների ստեղծման ուղղությամբ կատարվող պրպտումները (գլխավոր ճակատներում վայելչագեղ համաչափության որմնասյուների ու թմբիկ

շարք, մեծ վարպետությամբ մշակված հյուսիսյան մանրամասներ և այլն) հանդիսանում են սովետական ճարտարապետության մեջ տվյալ ժամանակաշրջանում տեղի ունեցած ստեղծագործական որոնումների արտացոլում:

Հայէներգոյի վարչության շենքում ձևոր բերված ակնառու հաջողություններից հետո Մարդարյանի բազմաթիվ սաղանդը առանձնակի շողաց Սերգեյ Բուխարինի լուսարանների շենքի ճարտարապետության մեջ: Սերգեյի հանրային ջրերի բուժիչ հատկությունների հուշակր վաղուց տարածվել էր հանրապետության, անգամ Միության սահմաններից դուրս: Խնդիր էր դրված այդ ջրերի



Նկ. 2. Երևան. Հայէներգոյի վարչության շենքը:

շրջակայքում արդեն տարածված առողջարանների ճարտարապետական խմբի կենտրոնում բարձրացնել բուժավայրի լուսարանների շենքը, որի կառուցման վայրի համար ընտրվել էր դեպի Հրազդանի ափը մեծ թեքությամբ իջնող զանգվածի բարդ տեղանքը: Ստեղծագործող արվեստագետի համար չափազանց հրապուրիչ, բայց նույնքան և դժվարին խնդիր: Մարդարյանը պատասխանատվության մեծ զգացումով ձեռնամուխ եղավ այդ գործին:


Շենքը նախագծվեց 1939 թ., իսկ ներքին ձևավորումը (ինտերիերը) մշակվեց 1944 թ. ճարտարապետ Նեկտար Բաշրեուկի մասնակցությամբ:

Կառույցի հաջողության առաջին գրավականը բարդ տեղանքի (ռելիեֆի) վրա նրա ճշմարտացի տեղադրումն էր: Տեղանքի սահմանափակ հնարավորությունների թելադրանքով ընտրված շենքի ուղղանկյուն հորինվածքը գլխավոր առանցքով դնելով զանգվածի թեքությանը զուգահեռ, ստացվեց աստիճանաձև երեք հարթակ, որոնց վրա և բարձրացավ շենքի սրամիտ և ղեղարվեստական

արտահայտչականության տեսակետից հետաքրքիր տարածական-ժամային տմբողջ կոմպոզիցիան:

Ներքին հարթակի վրա բարձրացվեց Երեք հարկ, միջին հարթակի վրա՝ երկու, վերին հարթակի վրա՝ մեկ. շենքում նախատեսվող ջրարուժարանի, ածխաթթվային լողարանների և ֆիզիոթերապիայի՝ Երեք բաժիններից յուրաքանչյուրն առանձին-առանձին ղեկավարվեց մեկական հարկում:

Ամբողջ կառույցի ներքին կյանքը կազմակերպվեց այնքան հստակ ու զյուրբմբունկի, որ տեղանքից բխող խոշորեղևները ոչ միայն հաղթահարվե-



Նկ. 3. Արգնի. լողարանի շենքը:

ոին, այլև դարձան առաջադրված խնդրի առավել հաջող լուծման նպաստավոր պայմաններ: Հառիվայրի թեքության վրա լայն ճակատով ստեղծված աստիճանները յուրովի նախապատրաստելով բնությունից ղեկի շենքի ներքին տարածության անցումը, մեծ հանդիսավորությամբ առաջնորդում են ղեկի շենքի դիտավոր շքամուտքը, ղեկի լողարանների բնդհանուր նախասրահ: Ճարտարապետական խիստ ձևերի, ժողովրդական արվեստի կենսախիճ մոտիվների և գունային նուրբ երանգների ներդաշնակությամբ բարձր հուզականության հասցված նախասրահից մարմարյա աստիճանները մարդուն ուղեկցում են ղեկի շենքի երկրորդ, ամենահիմնական հարկաբաժինը:

Այս մասը ճարտարապետական ամբողջ մտահղացման ամենաուշագրավ հատվածն է:

Ստեղծված է բացօթյա մի բնդարձակ բակ, որի երկու հակադիր կողմերում ղեկավարված են հիդրոէլեկտրիկ և բալնոլոգիական տեխնիկայի բոլոր օրենքներով կառուցված ու կահավորված լողարանների շարքերը, իսկ երրորդ կողմում՝ այդ շարքերը իրար միացնող օժանդակ մյուս սենյակների խումբը:

Կանաչի ու ջրի գունեղ պատկերներով մշակված բացօթյա բակը ամուսնացնում է կատարելով յուրահատուկ սպասարանի դեր, ստանում է իր ուսու-

լիտար որոշակի ֆունկցիան և դառնում ճարտարապետական ողջ օրգանիզմի տրամաբանական, անբաժանելի մասը:

Այսպիսով, Մարդարյանի հասա՛վ ճարտարապետական այնպիսի մտահղացման, որն առավելագույն չափով բավարարում է շենքի ներքին բովանդակությունից բխող՝ նրա ֆունկցիոնալ խիստ կանոնիկ պայմաններին. իր հորինվածքով, ճիշտ գտնված մասշտաբով, կոնստրուկտիվ հնարներով, բնորոշված շինանյութով, ճարտարապետական լեզվի հստակությամբ լինելով ճշմարիտ, ամբողջությամբ միահյուսվում է շրջապատի լեռնային բնությանը, լրացնում, հարստացնում է այն:

Արգելի լողարանների շենքը ստեղծագործական լուրջ թոփշ է, ճարտարապետական լիահնչուն խոսք, որը իրավամբ համարվում է սովետահայ ամբողջ ճարտարապետության ճանաչված նվաճումներից մեկը:

Հայրենական մեծ պատերազմի առաջին տարից Մարդարյանը մեկնում է ռազմաճակատ: Պատերազմի երրորդ տարում ՍՍՌՄ ճարտարապետության ակադեմիայի և ՍՍՌՄ ճարտարապետների միության միջնորդությամբ նա ետ է կանչվում բանակից և նորից անցնում ստեղծագործական աշխատանքի:

1944 թ., պատերազմական ժամանակաշրջանի ծանր պայմաններում, անվանի ճարտարապետը նշանակվում է Հայաստանի Մինիստրների սովետին ստորթեր ճարտարապետական գործերի վարչության պետ: Նա ոչ միայն մեծ հռանդով ձեռնամուխ է լինում պատերազմի տարիներին ընթացող և մասնավորապես հետպատերազմյան ժամանակաշրջանում երկրում ծավալվող շինարարության նախագծման գործի կազմակերպմանը, այլև ստեղծագործական ամենակատիվ մասնակցություն ունենում դրանում, մշտաբայց կերպով հետամուտ լինում ճարտարապետության և շինարարության առջև ծառացած հուղող հարցերի լուծմանը:

1944 թ., երբ հանրապետությունում զգացվում էր շինակաշարի խիստ պակաս, Մարդարյանը մշակեց պեմզա-բետոնե թեթև թաղակապ մոնոլիտ ծածկի կոնստրուկցիան:

1947 թ. կոնստրուկտոր Ա. Սարգսյանի գործոն մասնակցությամբ նա մշակեց փորձնական առանձնատների նախագծեր, արմավորված պեմզա-բետոնե սալիկներից ստեղծված ձեղնահարկի ծածկի կոնստրուկցիայով, որի փորձարկումը տվեց միանգամայն դրական արդյունք:

Մեծ է Մարդարյանի վաստակը հանրապետության մասսայական շինարարությունը տիպարային բարձրորակ նախագծերով ապահովելու, մասնավորապես բնակարանների ու բնակելի տների տիպերի վերամշակման ու կատարելագործման բնագավառում, որը երկար տարիներ ղեկավարում էր նա:

Մարդարյանն իր մեծ փորձը և գիտելիքները ի սպաս է դրել նաև հանրապետության քաղաքների, ավանների ու շրջկենտրոնների հատակագծման գործին, թե՛ իրրև նախագծային կազմակերպությունների ղեկավար և թե՛ որպես առանձին աշխատանքների հեղինակ (Հրազդանի շրջկենտրոնի, Մաղկաձորի մանկական ամառանոցի հատակագծերը և այլն):

ճարտարապետի հետպատերազմյան շրջանի ստեղծագործությունների մեջ առանձնահատուկ տեղ են գրավում Ծրեանի կոնյակի գործարանի ճարտարապետական խոշոր խումբը (1945—1950), Սասունաշենի ակումբը (1946 թ.), Կիրովական քաղաքի գլխավոր հրապարակի բնակելի տները (1950 թ.), Կիրովականի քաղսովետի շենքը (1952 թ.), Արգելի հանքային ջրերի գալերեան

(1956 թ., ճարտ. Շ. Աղատյանի հետ միասին), Կիրովականի հյուրանոցի շենքը (1959 թ., ճարտ. Բ. Արզումանյանի հետ միասին) և այլն:



Նկ. 1. Սրեան. Կոնյակի գործարանի շենքը

Ստեղծագործական լայն հնարավորություններ բնօրոգի, քաղաքաշինական բարդ ու հետաքրքիր խնդիր էր դրված ճարտարապետ Մարգարյանի առջև Սրեանի Կոնյակի գործարանի նախագծման ժամանակ:

Մայրաքաղաքի գեղարվեստական ամենահրապուրիչ հանգույցներից մեկում, որի միջով դարերի ընթացքում ապարների ճեղքելով, իր ջրերի համար հուն էր բացել հորդառատ Հրազդանն, արդեն բարձրացել էին սովետահայ ճար-

տարապետութեան ճանաչված նվաճումներից երկուսը՝ Հրազդանի ձախ ափին ձախուրից վեր էր խոյացել, կարծես այդ ժայռերի և ջրերի հետ մեկտեղ ծընված, նրանցից դուրս ու շունչ առած՝ Արարատ տրեստի դիմում մառանների հրաշակերտ շենքը, իսկ նրա դիմաց, Հրազդանի ափերն էր իրար միացնում «Հաղթանակի» կամուրջը:

Անհրաժեշտ էր կամուրջի առանցքի ուղղութեամբ գտնվող բարձունքի վրա այնպես տեղադրել կոնյակի գործարանի շենքը, որ արտադրական պրոցեսների ճիշտ կազմակերպման հետ զուգընթաց, այն ներդաշնակեր շրջապատի ճարտարապետական միջավայրի հետ: Ընդհանուր առմամբ նույնպես հասավ իր առջև դրված խնդրի լուծմանը: Գործարանի արտադրութեան ներքին կյանքից բխած ծավալները իրենց ձևերով, համաշափություններով ու մասշտաբով լրացնելով և հավասարակշռելով միմյանց, բարձունքի վրա ստեղծում են տարածական այնպիսի խաղ ու հետաքրքիր ուրվանկար (սիւնետ), որ ոչ միայն օրգանապես մտնում են արդեն կազմավորվող ճարտարապետական անսամբլի մեջ և ընդգծում նրա կոմպոզիցիոն գլխավոր առանցքը, այլև մայրաքաղաքի այդ հատվածում առաջացնում բազմաթիվ կետերից ընկալվող ճարտարապետական մի վեհանիստ համայնապատկեր:

Թեև ուղեւորական ճարտարապետական որոշ մասերի ու մանրամասների մշակումներում դրսևորվում են քառասնական թվականներին բնորոշ, շրջութեան ճշգրտելու առանձին երևույթներ, կոնյակի գործարանի խոշոր խմբի ճարտարապետութեան իր ընդհանուր մտահղացումով (արտադրութեան մեջ յուրաքանչյուր առանձին կառուցի ճիշտ տեղադրում, տեխնոլոգիական ֆունկցիայի հստակ կատարում, տարածական-տեկտոնիկ ճշմարիտ լուծումներ, ճարտարապետական զուսպ ու արտահայտիչ լեզու, շինանյութի նպատակահարմար օգտագործում և այլն) լինելով ազգային ճարտարապետական ժառանգութեան առաջագիմական ավանդութեանների վրա խարսխված արդյունաբերական ճարտարապետութեան լավագույն նմուշներից, դարձավ սովետական ամբողջ ճարտարապետութեան ու քաղաքաշինութեան ակնառու նվաճումներից մեկը:

Քաղաքաշինական ավելի մեծ ու պատասխանատու հարցեր ծառացան Մարգարյանի առջև Կիրովական քաղաքի գլխավոր հրապարակի կառուցապատման նախագծի մշակման ու իրականացման ընթացքում: Ստեղծվում էր հիմնովին սոցիալիստական վերակառուցման ենթարկվող քաղաքի սիրտը, նրա ընդհանուր հատակագծի կոմպոզիցիոն միջուկը, որը տարածվելով քաղաքային երկու կարևորագույն մայրուղիների՝ Լենինի պողոտայի և Կիրովի փողոցի հանդիպման հանգուցում, ուներ ուղղանկյան և սուրանկյուն սեղանի համակցութեամբ կազմված բավական բարդ եզրագծեր: Ընդ որում, ուղղանկյան հատվածի կենտրոնական մասում կառուցվող ՀԿՊ քաղաքային կոմիտեի քառահարկ շենքը, որը իրականացվում էր ուրիշ հեղինակի (ճարտ. Զ. Բախշինյանի) նախագծով, լինելով հրապարակի հատակագծային հորինվածքի գլխավոր առանցքի վրա, տեղանքում գրաված իր դիրքով ստանում էր երկարաչափ նշանակութեւն:

Անհրաժեշտ էր հրապարակը կազմակերպող մնացած մյուս բոլոր կառուցվածքների համար գտնել այնպիսի լուծում, որ այն չգրկեր յուրաքանչյուր շենքերն իր ինքնուրույնութեանից և միաժամանակ ապահովեր ճարտարապետական ամբողջական անսամբլի ստեղծումը:

Նվաճա, նախագծվում է կառուցապատման մի սխեմա, ըստ որի, Կիրով-

վի փողոցի վերջավորության վրա, միանման հատակագիծ ունեցող բնակելի երկու հսկայածավալ շենքեր լայն ճակատով թեքվում են աջ ու ձախ և ամրացնում հրապարակի զգալի մասը, ձևավորում նրա գլխավոր մուտքը, իսկ քաղաքային կոմիտեի շենքի մոտ համախմբվում հասարակական նույն բնույթի կառուցվածքներ՝ քաղաքային սովետի և հյուրանոցի շենքերը (վերջիններս նախագծված են ճարտ. Բ. Արզումանյանի հետ միասին), որոնք պարուրելով հրապարակի ազատ մնացած տարածությունը, ամբողջացնում են նրա հատակագծային ողջ հորինվածքը:

Քաղաքային կոմիտեի շենքի գլխավոր ճակատի երեք հարկը ընդգրկող խորաքանդակ որմնասյուների դիմիկ շարքի հանդիսավորության համեմատությամբ, քաղաքային սովետի շենքի ճարտարապետությունն ունի զուսպ,



Նկ. 5. Կիրովական. բնակելի առև Կիրովի անվան հրապարակում:

մեղմ արտահայտություն: Ճարտարապետական հակադրության նման եղանակով ընդգծվում է ընդհանուր անսամբլի մեջ քաղաքային կոմիտեի շենքի ճարտարապետությանը տրվող առաջնային դերը, միաժամանակ փորձ արվում ցույց տալ քաղաքային սովետի շենքի ֆունկցիոնալ նշանակությունից բխող յուրահատկությունը: Վերջինիս հաճելի համաչափության կամարակալ շքամուտքը և նրա վերևում խարսխված մարդկային ամբողջական արձանները ստեղծելով գլխավոր ճակատի խաղաղ ֆոնի վրա ճարտարապետական ուժեղ շեշտ, ակնհայտորեն նպաստում են շենքի հասարակական բնույթի բացահայտմանը և էմոցիոնալ որոշակի արտահայտչականություն հաղորդում նրա ճարտարապետությանը:

Ըստ էության ճարտարապետական նման մեկնաբանություն է ստացել քաղաքային սովետի շենքին սիմետրիկ տեղադրված հյուրանոցը, որի աշտարա-

կաձև անկյան վերընթաց սլացքը ամրացնում, կազմակերպում է պողոտայից հրապարակին անցնող քաղաքաշինական հանդույցը:

Բնակելի շինքերը հրապարակահայաց իրենց կենտրոնական ծավալների, այդ ծավալների հարթությունների վրա բացված՝ բնակելի տան ներքին բովանդակությունից բխող խոր լույսի և առաջին հարկի պրիթև ամբողջ երկայնությամբ ձգված կամարակապ բաց սրահների շնորհիվ դառնում են մյուս կառույցներին լիահնչուն, հրապարակի ճարտարապետական-կոմպոզիցիոն մտահղացման հիմնական բաղադրիչ մասերը: Հրապարակը կազմակերպող բոլոր շենքերը ինչպես տարածական-ծավալային կառուցվածքով, մասշտաբով, գեթե միանման բարձրությամբ, շինանյութով ու դուրսից երանգներով, այնպես էլ ճարտարապետական ձևերի ու մանրամասների ներդաշնակ մշակումով, լրացնում են միմյանց և հրապարակի կենտրոնում գրանիտե պատվանդանից վեր խոյացող՝ հնդափոխության բուցաշունչ տրիբուն Սերգեյ Կիրովի քարակերտ արձանի հետ միասին, ստեղծում է մոցիոնալ բարձր արտահայտչականությամբ ոժտված ճարտարապետական ամբողջական անսամբլ:

Հիսունական թվականների առաջին կեսից Սովետական Հայաստանի ճարտարապետությունը թեկնոսում է իր զարգացման նոր, ավելի բարձր փուլը:

Շինարարության խնդիրներին նվիրված 1954 թ. կրեմլյան խորհրդակցությունը երկրի կառուցողների և ճարտարապետների առջև դրեց շինարարության և նախագծման գործի արմատական բարելավման հարցը: Ընդ որում ճարտարապետների ուղարկությունը հատկապես բեկովից նախորդ ժամանակաշրջանի կառուցվածքներում տեղ գտած ավելորդությունների, ճարտարապետական հին ձևերի մեխանիկական կրկնության, անհարկի մոնումենտալության ու կեղծ հանդիսավորության ձգտելու վնասակար երևույթների վերացման վրա:

Սովետահայ ճարտարապետության մեջ կատարվող այս ժամանակաշրջանի ստեղծագործական որոնումների լավագույն նմուշներից են՝ Երևանում կառուցվող մաթեմատիկական մեքենաների գիտա-հետազոտական ինստիտուտի խոշորագույն շենքի նախագիծը (նախագծված՝ ճարտարապետներ Բ. Արզումանյանի և Շ. Ազատյանի հետ միասին) և Նորքի ճուղանուղին (նախագծված ճարտ. Բ. Արզումանյանի հետ միասին): Առաջինի կառուցումը սկսվել է դեռևս 1962 թ., իսկ երկրորդինը՝ 1963 թ.: Իրենց թարմ մտահղացումով և ճարտարապետական-կառուցողական արվեստի ճշմարտացի ըմբռնումով այդ երկու շենքերը աներկբայորեն կդասվեն Սովետական Հայաստանի ճարտարապետության նորագույն շրջանի նվաճումների շարքը:

Ստեղծագործական աշխատանքներին զուգընթաց, Մարգարյանը հաճախ մասնագիտական մամուլում հանդես է եկել սովետահայ ճարտարապետության տարբեր հարցերին նվիրված արժեքավոր հոդվածներով: Այդ հոդվածներում և ճարտարապետների հանրապետական մի շարք համագումարներում կարգացած իր գեկուցումներում² նա սովետական ճարտարապետության սկրզբունքների գիտական մեկնաբանման, տեղական յուրահատուկ պայմանների սոսնձահատկությունների մասնագիտական խոր վերլուծության միջոցով քննարկում է սովետահայ ճարտարապետության տեսության ու գործնական հանգուցային շատ հարցերը:

² Հայաստանի ճարտարապետների 4-րդ և 5-րդ համագումարներում հիմնական զեկուցողը եղել է Շ. Մարգարյանը:

1957 թ. ականավոր ճարտարապետը Սովետական Միության ճարտարապետների ու ճարտարագետների պատվիրակության կազմում մեկնում է Հարավսլավիա և շուրջ քսան քաղաքներում (Բելգրադ, Լուբլյանա, Դուպլիցա, Զագրեբ, Դուբրովնիկ, Տիտոգրադ, Սարաևո և այլն) ուսումնասիրում հարավսլավական ժողովուրդների արդի ճարտարապետության ու շինարարության փորձը: Այդ ուղևորության մասին նա գրել է շատ ուշագրավ մի աշխատանք, որը, ցավոք, դեռևս չի հրատարակված և ձեռագրի իրավունքով գտնվում է Հայաստանի ճարտարապետների միության գրադարանում:

Այստեղ Մարգարյանն իբրև խոշոր ճարտարապետ ու կառուցող հանգամանորեն անդրադառնում է հարավսլավական ժողովուրդների ժամանակակից ճարտարապետության ու շինարարության վիճակին, կատարում մասնագիտական թարմ ու համոզիչ մտահանգումներ, իբրև նրբանկատ արվեստագետ ու բազմաթիվ հետաքրքիր մտքեր, խոհեր հայտնում նրանց մշակույթի ու արվեստի, կենցաղի, սովորությունների ու բարքերի վերաբերյալ:

Ճարտարապետական իր բեղմնավոր գործունեության համար ճանաչված արվեստագետը 1950 թ. ընտրվում է ՍՍՄԽ ճարտարապետության ակադեմիայի թղթակից-անդամ, իսկ 1956 թ., սովետական կառավարության որոշմամբ, մտնելով ՍՍՄԽ շինարարության և ճարտարապետության նորաստեղծ ակադեմիայի իսկական անդամների առաջին կազմի մեջ, արժանանում է ճարտարապետության ակադեմիկոսի բարձր կոչմանը:

1961 թ. Հայաստանի ճարտարապետական հասարակայնությունը Լրախտագիտության ջերմ զգացումով նշեց Հովհաննես Մարգարյանի ծննդյան 60-ամյա հոբելյանը, իսկ Հայկական ՍՍՌ Գերագույն սովետի նախագահությունը նրան շնորհեց հանրապետության արվեստի վաստակավոր գործչի պատվավոր կոչում: Նա պարգևատրված էր նաև մի շարք շքանշաններով և մեդալներով:

Երկար տարիներ Մարգարյանը դասախոսել է Երևանի պոլիտեխնիկական ինստիտուտում: Նա հմուտ ու սիրված ուսուցիչ էր ոչ միայն ինստիտուտի ներսում, այլև ստեղծագործական կազմակերպություններում (ճարտարապետական N 3 արվեստանոց, «Հայպետնախագիծ», «Երևաննախագիծ» ինստիտուտներ և այլն) աշխատող բազմաթիվ երիտասարդ ճարտարապետների համար:

Այդ ամենի հետ մեկտեղ ճարտարապետության ականավոր վարպետը միշտ ժամանակ էր գտնում զբաղվելու հասարակական ամենաակտիվ գործունեությամբ: Նա Երևանի քաղաքային սովետի մի քանի գումարման դեպուտատ էր, հանրապետության գիտատեխնիկական բազմաթիվ հանձնաժողովների անդամ, 1955 թ. մինչև 1963 թ. Հայաստանի ճարտարապետների միության անփոփոխ նախագահը:

1963 թ. դեկտեմբերի 26-ին անժամանակ մահը ընդհատեց Հովհաննես Մարգարյանի ստեղծագործական բազմաթիվ նոր մտահղացումներով լի կյանքը: Նա դադարեց ստեղծագործելուց իր ուժերի ամենածաղկուն շրջանում: Սակայն արդեն իսկ եղած վաստակը բազմերանգ արվեստագետի անունը ամբողջովին միահյուսել է հայրենի ճարտարապետության տվյալ ժամանակաշրջանի դարգացման ամբողջ վերսնթացի հետ: Մեր հին ու նոր քաղաքների հրապարակներում ու մայրուղիներում, քաղաքային ընդարձակ թաղամասերում ու փողոցներում, ղեղատեսիլ բնության տարբեր մասերում ու առանձին բնակավայրերում ճարտարապետական կերպար ստացած նրա ինքնատիպ մտահղացումներից յուրաքանչյուրն առանձին վերարտադրում է սովետահայ ճար-

տարապետության ուղու որոշակի փուլը, նշանավորում երկրի ճարտարապետական-կառուցողական արվեստի զարգացման համապատասխան աստիճանը: Այդ զործերը խարսխված են սովետական ճարտարապետության ժողովրդայնության, նրա հումանիստական էության հիմքը կազմող՝ մարդու նկատմամբ ցույցաբերվող հոգատարության ամենավեճ սկզբունքի վրա:

Հավատարիմ իր ստեղծագործական բմբունումներին՝ միշտ օգտակարի ու զեղեցիկի, տնտեսականի ու առաջադիմականի ներդաշնակության դիրքերից մոտենալ ինչպես մեծ կտավի, այնպես էլ փոքր ձևի զործերին, Մարգարյանի արվեստի ելակետը, առաջնորդող նշանաբանը միշտ եղել է մարդը, ժողովուրդը:

А. А. Саинян

ВЫДАЮЩИЙСЯ ЗОДЧИЙ СОВЕТСКОЙ АРМЕНИИ

Р е з ю м е

Творческая биография О. Маркаряна неразрывно связана с становлением и развитием армянской советской архитектуры. Нет такой ее области, в которую он не внес бы значительного вклада своими самобытными произведениями. Маркарян — автор около семидесяти осуществленных проектов.

Уже на первых порах молодой зодчий активно включился в дело проектирования жилищного и промышленного строительства, развернувшегося в Армении в тридцатые годы.

В здании Ереванской первой швейной фабрики рациональная организация производственных процессов и создание лучших гигиенических условий труда сочетаются с остроумным конструктивным решением объемно-пространственной композиции интерьера, где сочетание тонких железобетонных арок и больших остекленных поверхностей в покрытии не только удачно выполняет свою конструктивную и утилитарную функцию, но и превращается в своеобразное средство выразительности, создает впечатляющую художественно-эстетическую среду.

Те же принципы лежат в основе проектирования здания Ереванской табачной фабрики. Эти работы явились смелыми примерами новой трактовки понимания промышленной архитектуры.

С первых дней Отечественной войны Маркарян на фронте. После демобилизации, в 1944 году, видный зодчий назначается начальником Управления по делам архитектуры при Совете Министров Армянской ССР. Он не только энергично берется за организацию дела проектирования развернувшегося после войны строительства, но и принимает весьма активное творческое участие в нем.

В послевоенном творчестве мастера особое место заняли такие работы, как ванное здание на курорте Арзни, Ереванский коньячный завод, крупный архитектурный комплекс центральной площади гор. Кировакана, Ереванский дом радио и многие другие.

Мастерство Маркаряна сказалось в умении простыми средствами

создать органичные произведения, в которых находили правдивое отражение многообразные природные, градостроительные и другие условия.

За свою плодотворную архитектурную деятельность О. Маркарян в 1950 году был избран членом-корреспондентом Академии архитектуры СССР, а в 1956 году вошел в первый состав действительных членов вновь созданной Академии строительства и архитектуры СССР.

Верный своим творческим принципам, в большом и малом руководствуясь соображениями гармонии между пользой и красотой, экономичным и прогрессивным, Маркарян исходил из того, что руководящим девизом искусства является человек, народ.